

Na osnovu člana 30. i 54. Zakona o izvršavanju Budžeta Unsko-sanskog kantona za 2023. godinu („Službeni glasnik Unsko-sanskog kantona“ broj: 6/23 i 11/23) i Odluke o kriterijima i postupku dodjele sredstava odobrenih u Budžetu Unsko-sanskog kantona putem Kantonalne uprave civilne zaštite, broj: 03-02-2190-463/2023 od 06.07.2023 godine, Kantonalna uprava civilne zaštite Unsko – sanskog kantona raspisuje:

JAVNI POZIV
za dodjelu sredstava za projekte jedinica lokalne samouprave iz oblasti
vatrogastva

I PREDMET JAVNOG POZIVA

Predmet javnog poziva je sufinansiranje tekućih i kapitalnih projekata jedinica lokalne samouprave (u daljem tekstu JLS) iz oblasti vatrogastva u skladu sa Zakonom o zaštiti od požara i vatrogastvu („Službene novine Federacije BiH“, broj: 30/09) i Zakona o zaštiti od požara i vatrogastvu Unsko-sanskog kantona („Službeni glasnik Unsko-sanskog kantona, broj: 04/13).

II USLOVI UČEŠĆA

Pravo učešća

Pravo učešća na javnom pozivu imaju JLS na području Unsko-sanskog kantona.

Finansijska sredstva

Maksimalna vrijednost finansiranja u okviru ovog Javnog poziva po svim projektima/zahtjevima/inicijativama iznosi:

- a) za tekuće projekte – tekuće grantove do 80.000 KM i
- b) za kapitalne projekte – kapitalni grantovi do 85.000 KM.

Maksimalan iznos sredstava koji se može dodijeliti za jedan projekat je 25.000,00 KM.

Broj prijavljenih zahtjeva

Jedan aplikant može dostaviti samo jedan zahtjev u okviru ovog Javnog poziva.

Opći kriteriji

Za dodjelu sredstava za projekte iz oblasti vatrogastva primjenjuju se sljedeći kriteriji:

- a) usvojena procjena ugroženosti od požara,
- b) usvojen program razvoja zaštite od požara i vatrogastva,
- c) usvojen plan zaštite od požara,
- d) predviđeno finansiranje dijela projekta iz budžetskih sredstava,

- e) da općina/grad dostavi podatke o visini sredstava posebne naknade za vatrogastvo ostvarenih u prethodnoj kalendarskoj godini (finansijski dokument iz kojeg se jasno vidi ostvareni priliv sredstava).

Posebni kriteriji

JLS koje ispunjavaju opće kriterije rangiraće se prema posebnim kriterijima i to:

- a) da je priliv sredstava posebne naknade namjenjenih za potrebe vatrogastva u JLS:
- 1) manji od 30% od ukupno ostvarenog priliva koji pripada JLS -pet bodova,
 - 2) između 30% i 50% -tri boda,
 - 3) veći od 50% -dva boda.
- b) planirana sredstva u budžetu JLS za finansiranje projekata iz oblasti vatrogastva (bez sredstava posebne naknade za vatrogastvo) su:
- 1) veća od 30% od vrijednosti projekt -pet bodova,
 - 2) između 10% i 30% -tri boda,
 - 3) manja od 10% -dva boda.
- c) projekti iz oblasti vatrogastva:
- 1) ukupne vrijednosti do 10.000,00 KM -jedan bod,
 - 2) ukupne vrijednosti od 10.000,00 – 50.000,00 KM -dva boda,
 - 3) ukupne vrijednosti od 50.000,00 – 100.000,00 K -tri boda,
 - 4) ukupne vrijednosti preko 100.000,00 KM -četiri boda.

Dokumentacija koja se treba dostaviti prilikom prijave projekta

Prijava za dodjelu sredstava podnosi se na posebnom obrascu – projektnom prijedlogu koji se preuzima sa web stranice Uprave - www.czusk.ba, ovjerenom i potpisanom od strane odgovorne osobe i koji mora sadržavati:

- a) informacije o podnosiocu projekta (naziv aplikanta, odgovorna osoba, kontakt osoba za realizaciju projekta),
- b) naziv projekta,
- c) opis projekta,
- d) ukupan budžet projekta i izvore finansiranja,
- e) očekivane rezultate,
- f) projektne aktivnosti po fazama i vremenski okvir,
- g) učesnici u realizaciji projekta,
- h) detalje o sufinansiranju,
- i) instrukcije za uplatu sredstava.

Uz prijavu (projektni prijedlog) podnosioci su dužni dostaviti slijedeću dokumentaciju kojom dokazuju ispunjavanje uslova (u originalu ili ovjerenoj kopiji – ovjera ne smije biti starija od 3 mjeseca):

- a) akta nadležnog organa grada/općine o usvajanju procjene ugroženosti od požara,
- b) akta nadležnog organa grada/općine o usvajanju programa razvoja zaštite od požara i vatrogastva,

- c) akta nadležnog organa grada/općine o usvajanju plana zaštite od požara,
- d) akta nadležnog organa grada/općine o korištenju budžetskih sredstava za realizaciju projekta,
- e) ovjeren izvod iz bužeta općine/grada za prethodnu godinu i knjigovodstvena evidencija iz koje je vidljiv ukupan priliv sredstava posebne naknade za potrebe vatrogastva u prethodnoj godini (izvještaj o raspodjeli javnih prihoda na korisnike, analitička kartica pripadajućih vrsta prihoda ili slično),
- f) projektni prijedlog i predmjer radova gdje su jasno naznačeni izvori finansiranja projekta.

Kriteriji isključenja

Neće se uzeti u dalje razmatranje prijave aplikanta dostavljene po Javnom pozivu:

- a) koje su neblagovremene (dostavljene nakon proteka roka određenog Javnim pozivom),
- b) koje ne sadrže kompletnu dokumentaciju koja se traži javnim pozivom,
- c) koje svoj projektni prijedlog ne dostave u zatvorenoj koverti sa naznakom na koverti „Prijava na Javni poziv....- NE OTVARAJ”,
- d) koji ne dostave projekat ovjeren i potpisan od strane podnosioca, i to na propisanom obrascu,
- e) koji dostave projekte usmjerene na oblasti suprotno onim koje su određene u Javnom pozivu,
- f) koji ne razrade projekat u skladu sa prijavnim obrascem,
- g) koji planiraju troškove vlastitih ljudskih resursa za implementaciju projekta,
- h) koji dostave više od jednog projektnog prijedloga,
- i) za već završene projekte (izuzev ako se radi o započetim, a nezavršenim projektima koji su planirani u fazama),
- j) ukoliko se podaci iz dostavljene dokumentacije ne slažu sa dostavljenim projektnim prijedlogom i/ili budžetom projekta.

III NAČIN I ROK ZA PODNOŠENJE PRIJAVA

Obrazac za prijavu projekta sa budžetom i obavezna dokumentacija, trebaju biti dostavljeni na način da su isti uvezani i poredani prema redoslijedu. Prijave sa obaveznom dokumentacijom se dostavljaju direktno na protokol organa ili putem pošte u zatvorenoj koverti sa naznakom na koverti „Prijava na Javni poziv za dodjelu sredstava za projekte jedinica lokalne samouprave iz oblasti vatrogastva - NE OTVARAJ”.

Rok za podnošenje prijave na javni poziv je 15 dana od dana objave Javnog poziva.

Prijave dostavljene nakon isteka utvrđenog roka vraćaju se aplikantu neotvorene, sve ostale prijave zajedno sa pratećom dokumentacijom ne vraćaju se aplikantu.

IV OCJENA PRIJAVA

Dostavljene prijave na Javni poziv razmatra Komisija od 3 člana koju rješenjem imenuje direktor Uprave. Komisija vrši:

- a) analizu ispunjenosti formalno-pravnih uslova aplikanta, odnosno provjeru blagovremenosti prijave i kompletnosti dokumentacije dostavljenih prijave,
- b) provedbu procesa bodovanja prijave koje ispunjavaju formalno-pravne uslove,
- c) izradu Izvještaja o provedenom postupku po javnom pozivu za dodjelu sredstava sa prijedlogom liste uspješnih projekata, kojeg putem protoloka dostavlja direktoru.

Broj bodova koji čini ukupnu ocjenu projektnog prijedloga sastoji se od zbira pojedinačnih bodova utvrđenih u posebnim kriterijima.

Pri razmatranju projektnih prijedloga Komisija zadržava pravo zatražiti dodatna pojašnjenja o projektu od aplikanta.

V OBAVJEŠTENJE O DISKVALIFIKACIJI, PRIGOVOR I UTVRĐIVANJE KONAČNE LISTE USPJEŠNIH PROJEKATA

Aplikanti koji ne ispunjavaju formalno-pravne uslove i ne nalaze se na predloženoj listi uspješnih projekata za sufinansiranje, biće o tome pisano obaviješteni od strane Komisije.

Protiv navedene obavijesti aplikanti mogu podnijeti prigovor Upravi u roku od 3 dana od dana prijema obavijesti. O prigovoru odlučuje direktor. Odluka o prigovoru je konačna.

Nakon dostavljenog Izvještaja Komisije sa prijedlogom liste uspješnih projekata, direktor utvrđuje konačnu rang listu projekata odabranih za sufinansiranje, koju objavljuje na web stranici Uprave - www.czusk.ba.

Kriterij za utvrđivanje konačne rang liste projekata je ostvareni broj bodova na javnom pozivu i iznos raspoloživih sredstava za sufinansiranje.

VI ZAKLJUČENJE UGOVORA I NADZOR NAD KORIŠTENJEM SREDSTAVA

Sa aplikantima čije prijave budu odobrene za sufinansiranje zaključit će se ugovor kojim će se urediti uslovi i način korištenja dodijeljenih sredstava, način praćenja namjenskog korištenja dodijeljenih sredstava, dokumentacija koju je korisnik sredstava obavezan dostaviti Upravi, rok važenja ugovora, te ostala međusobna prava i obaveze korisnika sredstava i Uprave.

Dodijeljenja sredstva, po usvajanju Programa utroška od strane Vlade doznacavaju se na račune korisnika.

VII OPĆE ODREDBE

Za sve dodatne informacije zainteresirana lica mogu se obratiti do dana zatvaranja javnog poziva, i to putem maila: czbihac@bih.net.ba

Obrazac / prijava za dodjelu sredstava za projekte jedinica lokalne samouprave iz oblasti vatrogastva nalazi se na web stranici Uprave - www.czusk.ba.

Broj:15-11-11237-1/23

Datum: 26.10.2023.godine



Na ovlaštenju direktora
Staćić, pomoćnik direktora
za pravne, finansijske i
inspeksijske poslove